

Pa di e 3 biaha prome Minister ta nenga di duna cuenta na Parlamento

ORANJESTAD (AAN): Ayera Prome Minister a nenga pa di 3 biaha di duna cuenta riba maneho di su Gobierno na Parlamento.

E reunion cu a worde geschors siman pasa cual a worde pidi pa fraccion di partido AVP, mester a tuma lugar ayera tardi, pero esaki no a sigui pasobra parlamentarionan di MEP no a aparece, seguramente siguiendo ordo di nan lider y actual prome minister, Nelson Oduber y no tabatin quorum. Esaki Otmar Oduber parlamentario di AVP ta duna di conoce.

Ta un berguenza cu un prome minister pa di 3 biaha ta nenga di duna cuenta na Parlamento, specialmente mirando e situacion penoso den cual nos pais ta pasando aden, cu simplemente ta un refleho di e mal maneho di Gabinete Oduber.

Con por ta cu sr. Nelson Oduber por nenga esaki mirando cu tin problemanan cu tur instancianan na Aruba manera entre otro Raad van Advies, Controlaria General, Banco Central, etc. Mas aleu, Otmar Oduber ta bisa cu prome minister mester responsabiliza su mes pa cu e prestamonan tanto internacional como local cu a sali for di man te cu hasta Hulanda mester a interveni pa pone un paro na esaki, y tur esaki simplemente pa sigui beneficia friends&family.

Parlamentario di partido AVP ta considera un hecho

bochornoso e ausencia di henter fraccion di MEP den un reunion asina importante, pero ya, no por spera hopi di

e jaknikkers di MEP, pasobra nan ta simplemente sigui ciegame e ordennan di

nan lider, Nelson Oduber sin tene na cuenta e interes di e Aruba, di e hendenan cu a

ponenan eynan pa representanan y busca e mihor interes pa nos pais.

Cuidadano a stoba 4 ora aki pa haya su carnet



ORANJESTAD (AAN): For di mainta el a sali di cas, sin come desayuno, pa bay saca su Carnet na e oficina di AZV na Boulevard.

Ta parce cu esnan cu a traha Diamars mainta na e lugar aki tabata esnan mas

ineficiente cu tin riba henter e planeta aki. Un ciudadano a haye ta stoba 4 ora en total pa a haya su carnet. Ora cu merdia el a sali, cu su carnet porfin den man... el a wak holoshi y ripara cu ya caba l'or di merdia ta bay bati.

Despues di a entrega su papelnan na e loket di recepcion, el a warda 2 ora prome cu el a worde yama y haya number.

Ora di bay warda number, esaki a dura mas di 2 ora!

E ciudadano aki (kende ta un empleado di DIARIO), a haya loke a pasa aki como un abuso di marca mayor. Ni maske ora el a bay pidi nan pa check kico ta pasando,

ningun hende a worry.

Na final, ni un tipo di excusa, nothing. Ta parce cu e robotnan funcionando eyden no tin ningun tipo di curso di 'human relations' den nan C.V. pa por ta trahando eyden.

Diabierna siman pasa caba

tabatin problema na e oficina aki, unda hasta Polis a bay. Ta parce cu esnan cu ta trahando e shift aki awor... ta esnan mas slow di Aruba. Ban cambia nan pa caba, atencion UO AZV... boso ta scuchando? Of AZV nifica "Altijd zonder velocity"?

Exposicion di Kisha Fantasy

ORANJESTAD (AAN):— Dia 17 di November proximo den e Renaissance Convention Center Kisha Fantasy lo tene un exposicion yama "X-Mas Toys and Gifts

Expo". Esaki ta bo oportunidad pa presenta na e pueblo di Aruba y especialmente e clientenan cu ta buscando e regalo especial pa nan ser keri.

NOS X-MAN CRIOLLO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



6 Second ABS cu su DVD

Antes Afl. 100,=

Awor Afl. 25,=